



心齋世稿

葵軒

16
2313
4



23/3
4-4

葵軒詩抄附錄序



此葵老金公詩稿也余少也聞長老言莫不曰金氏子弟鮮有不能詩者以其家世有農淵兩先生故也夫文必有脉詩奚獨不然哉况公以茅洲爲祖鳳麓爲叔其爲詩古雅平淡絕去浮華出之甚簡而出輒合于正道有風雅遺音其得於家學者不可誣也公余之姊兄弱冠與吾伯氏近齋公蒼下俞公友善在北山賦詩爲樂清澹雄渾各以其好近齋之好以杜蒼下之好以韓公之好以輞川蘇州余則無他好好公之所好愛公詩甚以性之近也間嘗與公游錦江

八麻谷之寺登所謂迦葉庵者寺之絕頂遙望海濤
連天湖西數十郡盡在脚下大雲霧被其上混沌冥
濛殆不知身在人寰公顧視余苦吟謂曰君作詩乎
詩不可作境與神會自然爲詩是詩也余以是說歸
語近齋與蒼下皆服其悟於作詩之妙公夙蘊才猷
宜其取功名如拾芥而晚屈蔭塗則官至州牧猶不
遇也余意公之詩變而爲憂愁怨憤後見其作和平
如前日真治世之音而天不欲使鳴國家之盛何也
公自商山歸後髮已皤皤余亦老矣近齋沒已八年
蒼下亦老病不相見二十年其作詩與否不可得而

聞也獨公時有所作過余而誦之誦已必噓唏蓋悲
近齋之不在而視余猶近齋也一日持其稿來請余
選以傳於後時公年七十四萬念衰盡而未能忘情
於詩公豈非篤好者乎然稿名以期三百見公之不
欲多作愈少而愈高也世之覽是稿者必曰傳襲茅
洲濡染鳳麓泝之而得農淵之正脉云爾則余知其
傳後也無疑又何有乎選况蒼下之選已得之者乎
丙寅孟夏潘南朴泮源平叔書

余少時從鳳麓金公學爲詩公教之曰女求爲詩與
孔子所刪三百篇其宗祖也其後漢魏漢魏去古近

猶有風雅意其後唐唐有盛中晚中晚已靡矣惟盛
爲正始詩不失風雅正始之音乃詩也余驚下縱未
能如公言亦知詩有是道舍是道無以爲詩也當是
時公用詩得大名詞壇少與公爭牛耳者而其家術
之間兄弟子姪承公風鮮有不能詩者仲寬其一也
仲寬之詩其道亦然而天性又豈弟篤順故其詩敦
厚溫柔吉祥和平絕不爲崩岸崎嶇艱險不平之音
蓋亦公之教而性情之出使然也今老矣雖古今異
宜衰旺殊候不能無川流之出入而其從少至老以
爲鵠者在此不在他覩是券可知也記昔余與仲寬

及近齋朴永叔同遊學方其自吹蔥騎竹而相長也
已皆以詩詞相鼓噓及至於白首然後論其定品則
惟永叔成文章學邃行尊爲世名儒而今已不在在
者獨余與仲寬而其年俱近八十矣余不文無學祇
一老學究特不死耳仲寬至今不能捐宿好貪嗜不
已遇境即吟居閒亦呻以故近所爲詩乃益多豈非
所謂老益壯者耶永叔有弟曰平叔卒官判敦寧亦
有文章嘗序仲寬詩其稱盛矣余復何贅焉抑仲寬
所以名其稿曰期三百者豈以聖人所刪之數自期
與不然仲寬康健其壽歲增而無籌其言日出而不

窮則將與為春為秋之八千歲同其數矣又奚特止
於三百哉仲寬求余言余又為此說以附序下
丁卯季夏杞溪俞漢鵠汝成書

葵軒詩抄附錄目錄上

詩

溪夜送人

三清洞次軸中韻

送金垓窩之任狼川

送洪輔叔出宰桃源

銅雀船上

果川途中

素沙橋成

與朴平叔泛舟錦壁汀共次杜工部韻

臯蘭寺呼韻共賦

共次板上韻

暮向邑底聯枕椽房

雞龍山禪樓

聞韶樓上次頭流山金景玉丈古體韻

次汝居送我古體韻

安東木石洞謾詠

收得仲父遺藁悼念亡弟謾題一律

襄陽洛山寺

麟蹄縣

到涓江

暮抵降仙樓主倅族弟欣迎張燭吟示一律

季父壽席謹次仲氏韻

仲氏臨訪齋所喜次命韻

謹次仲氏韻以記日寒

初三夕散步庭中更疊前韻

謹次仲氏韻

奉審

東郊道中

齋中春雪

平叔阻雨未歸喜而有吟

又次平叔臨發韻

心庵謹次軸中韻

佛巖寺

宣齋感懷

汝成忽訪余于齋居仍邀伯常汎舟楮湖

齋夜守歲 二首

寄汝居

解凍

懷俞朴兩友

次隣齋軸中韻

送騎邀永叔

齋中謾詠

齋中賞雪 二首

示隣齋

獨夜書示鄰齋

謹次紫霞洞壽席韻 二首

輓趙奉朝賀 二首

晚入水聲洞

同永叔韻懷汝成在任益山

山清宰南元平藹沙斤郵忽來訪同入猿鶴洞
搜勝臺

龍淵呼韻共賦

月星村即同春先生隱遯處也後人仍築書堂
厲壇設祭有吟

咸陽崔學士舊樓得留字韻

安義歸路歷訪三山宰

茂朱府中

夜宿喚睡亭

上元夜渭城守鄭子孝阻雨不至悵然有吟

清道郡

順興府

龍華洞 并小序

太倉直中

江干孤村

弼雲臺和趙安叔韻

歲寒亭次主人韻

栖碧亭月夜次軸中韻

歎老

翠屏巖汝載攜酒來會

又述古體

太僕諸郎邀余會話

追思昨會又賦古體

南村諸益忽訪余轉進趙奉朝賀花園呼韻

夏疊花字

苧崖酒席喜吟一律

溪上五老會次杜祁公睢陽韻

又用別韻

往在壬戌之秋七月既望

清暉閣舊基

從子遠根家貧無以資食不勝憫歎吟贈一律

訪新村李士衡感舊有吟

望拜禮有吟

送徐日如之任達城

送南子剛出宰東峽 并小序

懷俞友汝成

自諷

詠蟋蟀

送成都伯朴汝臣

獨坐

重陽日攜趙士尊登玉流前麓

并小序

謹次踈齋李相國軸中韻

輓南友伯宗

驢斃

踏橋偶吟

社稷 動駕病未得陪班惶蹙戀結吟成一律

侍衛 殿陛自忘身老

率稚孫榮掃之行行過南漢 二首

廣陵途中

與李友善長入北漢 二首

示家兒

溪閣驟雨

府吏來納冰牌告以府中故事

久雨歎

盧生歌

偶到北城無名洞有吟

悼念亾孫

健陵 回鑿露梁祇迎

送錦山宰趙安叔

題汝成一榻樓韻

次金炯軸中韻

日寒

贈趙別提 錫福

乙丑仲春二十八日 聖上順經痘候

三月二十五日即我季父祭祀也

步至鳳洲城望見下村

更題悲懷

追憶童時事 三首

送家兒藏史之行 三首

思俞友

偶吟

獨登溪亭

樓望弼雲 二首

雲近樓六景 六首

國輓擬作

水聲洞呼韻聲字

白蓮峯呼韻流字

題稷下李知事山亭

孫兒小暮曉坐題懷

獨坐謾詠

贈鄭武兼

鵲之翩翩四章 四首

遣聞六言 二首

詠鴈 三首

科日戲吟 二首

霜月

早起

李上舍英叔看秋南下

宋洞

窓間樹影

將赴族祖文敬公延 謚曉雨尾行悵然有吟

冬雨

燈下彈碁

次李季亮壽席韻

輓朴襄陽美仲 三首

送季亮

從弟亾日寫懷

喪餘日述懷

立春

早春

雨中謾詠

梅鶴堂憑眺

訪李氏亭

御射臺

獨坐謾吟

暝坐

弘福山

金谷焚黃日吟呈主人

金水亭

雨後訪水落山

水落山聖庵

喜晴有吟

青藜洞

夕陽閒坐

途中逢雨

秋尋栖碧亭 二首

輓黃僉樞 紀二首

謹次松亭閣梅韻

用別韻又賦七律 二首

吟呈苧崖

夕坐謾吟

陪宗中二老邀隣友士尊共酌

伯氏祭祀日南望愴懷

積雪

送李大諫之任慈山

閒中謾吟

輓朴判敦寧平叔 三首

觀燈

同宗老江遊

葵軒詩抄附錄 上

詩

溪夜送人

月上中天小星垂老木多歸人住不得攜手步溪阿

三清洞次軸中韻

靈區草色晚萋萋步履相隨一道溪四月殘花猶自

暎三清舊路不曾迷高樓夕氣人移席遠壑泉聲馬

立堤林外沉沉山日暮新詩相促醉中題

送金垓窩之任狼川

出關東去意悠然馬首毘盧青插天水部郎官元傲

心齋世科
吏金岡太守又神仙琴軒日永黃庭帖訟案雲生紫
氣篇我亦寒山秋水讀此時離別詎相憐

送洪輔叔出宰桃源

惟我季父家即君外氏宅豈但友生好更有戚誼篤
杏湖初識面稽山重合席聚散十載間一視心莫逆
往歲秋九月買來橋東屋君居即我洞相去乃咫尺
依依并曰路攜手朝復夕夜淡呼杯勺日長圍棋局
喜劇輒顛狂怒至或噴迫交情一任真安能事局促
君頗重倫理以有家傳學况彼高堂親視我不爲薄
疾病與飢寒贈恤日相續厚感結中腸何不祝晚福

辛勤孟母教頻繁毛公檄今朝與我別去去東出郭
專養雖可喜窮居復寂寞五馬揚飛塵行人皆注目
皂蓋何翩躚翠幃何輝赫人稱太守榮天與孝子祿
峽郡何有治湖縣已著績今去近神仙居民同麋鹿
桃源豈荒唐松子應復覲郡印封生苔衙童走採藥
閒閒稅外田耕鑿自淳俗上堂問寢膳卧閣弄琴鶴
名區得孝養人間有此樂吾生獨何爲見此增掩抑
爲孝信無窮崇德且努力洞洞以奉身戒在一瞬息
勉君長年術長年在瓊液千里雲山遠倘分故人食

銅雀船上

細雨平沙路微風吹幘橫蒼然江色動忽爾馬蹄輕
霧歇青岑出渚清白鳥行欲窮千里去扣柂喜天晴

果川途中

羸驂不進晝生陰行侶多逢憇樹林冠岳開霞通野
面仁川經雨入田心牛羊自在山崖晚烟火方生店
屋淡王甸風光如畫裏居民無事但謳吟

素沙橋成

滾滾何川水滔滔放海潮三南同去路衆力遂攻橋
牛馬如行陸旅商不用橈老僧展紙立仍說萬錢銷
與朴平叔泛舟錦壁汀共次杜工部韻

錦江晴日滿樓船嶺樹微茫接遠天雙檜城邊披霧
去四松亭下借風牽笛聲高起禽投壁舞影爭翻酒
重筵卧看蒼巖生返照清波忽爾漾金泉

臯蘭寺呼韻共賦

寺下江溪水不平攀蘿古道欲愁生泉清屋後無人
汲樹老庭前有鳥鳴龍血盤陀猶舊跡蘭歌淒咽自
遺聲爲邦誰恃金湯險天道由來好覆傾

共次板上韻

寂寂長江水寥寥古寺樓魚龍眠舊窟星月照空洲
草暗義慈國燈明客子舟試看花落處巖下咽寒流

心齋世積
暮向邑底聯枕椽房

沙邊細草路依稀馬首春風吹袷衣寂寞千年餘古
址蕭條一縣獨殘暉江村遠白知潮上岸樹微冥見
鶴歸暮宿椽房官酒至旅遊今日未全非

雞籠山禪樓

禪樓夜坐處欲去更登臨野滿朝暉色山多宿霧陰
牛鳴仍走壠鳥啄亦穿林秋事正寥落羈遊百感深

聞韶樓上次頭流山金景玉丈古體韻

樓高絕塵埃橫臨三池碧月出浮雲捲長天望不極
積雪浩無涯曠野同一色流影接虛明茫茫天地白

有客從何方笑指頭流北十年雲水闊一別無消息
萍蓬忽相值異鄉有此樂絲竹侑官酒玉山堆半席
談鋒入夜高滾滾如相續茲會不可忘風流宛矚昔
莫云鬢髮衰奇氣岸身幘窮通會有時天運自回幹
樓頭月樓下雪清輝兩不缺

次汝居送我古體韻

立春政不遠百卉潛回陽于時啓我行嘉賓兮滿堂
有往必有復不愁大嶺疆孰無式好樂知心最爲貴
盃酒欲成歡兼以絲竹慰送我北亭上指顧西去路
白靄初收谷赤日遠出樹男兒弧矢志千里如跬步

願言相別後起居慎朝暮沉靜非不足振發亦可務
安東木石洞謾詠

招邀父老共傳觴雨過空臺木石涼一宿禪房騎馬
出山門流水送人長

收得仲父遺藁悼念亾弟謾題一律

入室如將語無從淚自橫老親當戶泣釋子走庭行
地下君何樂人間我獨生徒然塵滿篋披閱倍傷情

襄陽洛山寺

海岸風微雨脚收天公許借暫時畱漁人掠水溪千
尺客子當筵聳一樓義相臺中孤佛在峴山門外謫

仙遊吾行亦是忘機者白鷺何心避渡頭

麟蹄縣

開邑巖間窄松籬十數家幅員如許小水石最堪誇
雪岳羣山冠寒溪一瀑賒合江亭上立花發暎明沙

到涓江

行行下馬坐忽在涓城邊日夜踏歌地秋冬鍊武天
村娥皆飾玉江水亦論錢箕子千年國難尋古井田

暮抵降仙樓主倅族弟欣迎張燭吟示一律

稅鞍仍秉燭人語畫欄高峽雪明畱岸江風冷入袍
神仙如可遇鼓角莫相嘈賢弟風流在能忘遠道勞

季父壽席謹次仲氏韻

懸弧席上賦歸篇中夜吟來喜不眠幾度關河頻此
日初筵盃酌始今年松篁近榻長春滿花樹張筵至
樂專琴對南山彈作曲更看雙鶴舞庭前

仲氏臨訪齋所喜次命韻

騎驢旬五自來還落葉初飛見遠山數菊寒香留砌
下萬松霜氣入簾間逐鼉上下溪揆窟畏虎尋常早
閉關忽有弟兄聯枕樂三年齋食始開顏

謹次仲氏韻以記日寒

乾坤一夜肅霜露二陵淒慄烈風從北陰寒日欲

西幾人能廣廈老我幸安棲掃葉村童走通宵接馬
蹄

初三夕散步庭中更疊前韻

藹筇飽飯後吹面夕風淒皎皎星臨北纖纖月出西
山寒人閉戶木落鳥驚棲羸馬有何意頻敲櫪上蹄

謹次仲氏韻

無學需今世微官媿昔賢梳頭聞落葉盥手捧香烟
谷鳥頻參座山僧亦對眠清齋無一事看菊只悠然
奉審

蒼蒼松柏裏肅肅殿門開淨掃齋官至忙趨寢僕

來霞淡迷洞府日隱翳庭臺
仙路鋪如練百神護
不苔

東郊道中

據鞍高詠我行徐眼逐山川萬念虛三角峯巒諸佛
拱五陵松柏侍臣如遙村日晏雞豚逕曠野霜晴
鳧鴈居穡事今年多黍稌農家酒熟待人醺

齋中春雪

微微前夜雪漠漠度新年見暝還成雨隨風更似烟
低飛林外鳥細動石間泉不辨蒼山際寒雲自黯然
平叔阻雨未歸喜而有吟

寂寞高齋裏終朝聽雨聲霞沉隨處合鳥濕有時鳴
亂木晴猶暗羣流走若驚千愁當酒失更喜住君行

又次平叔臨發韻

齋居何似碩人寬雲木相參繞屋端經濟縱違心上
計詩書還喜靜中看龍爐日照香烟細象設春迴瑞
氣盤十里松杉難護植猿狙衣服不宜官

心庵謹次軸中韻

境閒方遠市巖闢自成門遙對漢南郭平臨谷口村
凍泉添雪淨寒日下山翻詩禮傳家業諸孫視此園

佛巖寺

心庵世積
幽期匹馬訪諸天微霰添寒萬木顛古寺僧眠黃葉
下高峯客立白雲邊淡淡洞府時聞磬寂寂山房夜
語禪取醉騷人揮筆處烏巾半倒意悠然

宣齋感懷

血視島雲黑心傷 陵栢蒼孤燈風雨夜恨與水流
長

汝成忽訪余于齋居仍邀伯常汎舟楮湖

依然舊態笑相看節序南江秋又闌恩寺煮沱風味
別楮湖擊汰月光寒童時騎竹渾如夢老去鵬圖惜
已殘醉卧虛齋忘爾我還嫌門外有喧灘

齋夜守歲

不寐頻瞻夜星河欲近人燈殘猶舊夕山曉已新春
元日未歸客終朝倍憶親無聞媿五十短髮一任真

其二

守歲空山裏孤燈意緒焚蒼茫家室遠衰白弟兄分
問候無人至寬懷有酒醺終南遙入望佳氣倍氤氲

寄汝居

贊弟於吾共切磋爲官忽爾限江波同居一室尋常
過不見三旬悵望多邃學潛心應自得沉痾去體更
如何愁淡獨夜眠難着每向空庭步月哦

解凍

春陰連夕景不雨濕蒼苔地氣微微解天時黯黯迴
喬山樹色改漢水波聲來隨處陶勻力花應谷裏催

懷俞朴兩友

思君頻入夢隔水久相違別後春將近漢南客未歸
征鴻遵渚起噪鵲護巢飛何日古亭上臨流共振衣

次鄰齋軸中韻

吾輩逢何晚君來意已通行過千樹裏坐對一舟中
波闊流晴日島危受遠風江干正搖落鳴鴈入秋空

送騎邀永叔

喜君今夕出江城况復孤齋慰客情九月鳴鴻寒始
急故人匹馬病能行草間殘菊經霜在岸上踈楓向
日明物色漢南猶可賞恬波一棹往來輕

齋中謾詠

無事仍無睡高齋似學禪夜寒松籟裏燈炯竹窓前
霽月千山得鳴泉一道傳方池涵物靜瑩徹又開天

齋中賞雪

齋僮晚起掃庭除倚杖崇臯縱目初白雪滿山交虎
跡青烟浮壑似僧居不才 聖世微添祿無事晴窓
謾閱書聞道東隣逕沾滑故人能不往來踈

忽見飛鴉下滿除紛紛暮雪亂林初崢嶸勢接蒼崖
迴颯沓寒侵白屋居皓氣天長迷極目清輝月上照
看書回思故洞多幽賞勝會梅前也不踈

示隣齋

老去暫時興東隣把酒迴雞栖烟起屋人醉月窺臺
松籟夜如積澗聲春欲來山中爲客久已見歲華催
獨夜書示鄰齋

松間生遠照村杵夜相連我病已三日君詩幾十篇
人情懷故里鳥語近春天半百今將至悲歡競逝川

謹次紫霞洞壽席韻

憶昔壬申三十前吾將斗酒祝遐年青春頭角曾操
几喬木樓臺又設筵次第斑衣起爲壽參差華髮坐
來圓且聞閣內同回甲諸福人間不願仙

其二

鄰里推完福如公復幾人洞中間是主名下若爲賓
月滿梅花夜霞浮竹葉春孝廚料理久况復飲如醇
輓趙奉朝賀

位重名高古亦難公於二者獨能完犯顏一疏頽風
振閉影幾年卿月團遺化尚看沾北路勁操彌驗掌

心齋世積
天官身居軒冕心如水不是趨朝不戒鞍

其二

涵詠太平七十春懸車故里老成人兩朝歷事無虧
節三達俱存自在身日永茅亭栽杞菊天晴玉洞曬
衣巾哀榮忍向二難道恩綍宣來泣搢紳

晚入水聲洞

倚杖松臺霽後天長安夕氣布如烟眼邊層出千家
樹坐處橫來一道泉翠樾生陰驟欲返白徒爭藝鶴
猶懸浣紗聲歇還幽寂山鳥窺人近席前

同永叔韻懷汝成在任益山

西州朱紱又南爲歲月多從別後移十口飢寒猶可
救一身行役敢言疲新春久闕楓溪醉舊篋時披楮
島詩風雪終南相送處回看草色謾離離

山清宰南元平攜沙斤郵忽來訪同入猿鶴洞

自我南出爲縣宰所懷伊人鏡湖涯翩翩冕冕忽相
訪東指古縣稱絕奇欣然攜手詰朝去有水如練山
似簷楓晚古洞錦繡明正是山中九月時行行一逕
挾溪通兩三籬落分布棋峽裏生業不全貧千樹萬
樹朱實垂金猿白鶴誠荒唐翠壁丹崖今在茲幽揆
巖壑未覺疲醉仙降仙名者誰古人今人不相見巖

心唐世補
然廟宇臨水潛呼來村醪繼官酒山蔬登盤錯棗梨
醪酊石上脫巾卧腰間朱紱輕於絲心中自有濠上
樂靜觀淡湫魚隊隨一出山門便塵世其奈百事皆
有期自是泉石我膏旨願言春遊莫相遲

搜勝臺

勝地傾三蓋殊方已九秋草深山逕狹松老野居幽
止水臨爲鏡層巖坐替樓行廚豈無酒醉到月華流
龍淵呼韻共賦

怪石蒼巖衆妙門高懸銀瀑向人喧寒光耀日霜凝
白急勢鬪風雨欲昏噓氣潛虬深不見臨流老釋寂

無言嗒然我亦忘機坐返照歸驂繫樹根

月星村即同春先生隱遯處也後人仍築書堂
先生棲隱處寂寞一書堂老栢空庭立寒花小砌香
豈無山水地愛此月星鄉寄語後來者藏修莫就荒
厲壇設祭有吟

林雲掩翳廟門前犬吠遙村風颯然太守三更鳴佩
緩香烟散盡月橫天

咸陽崔學士舊樓得留字韻

暫拋花縣牒來作渭城遊樓敞孤雲遠碑荒一蠹留
登筵多素髮圍檻盡紅欄拜揖唯傳俗茲鄉舊魯鄒

安義歸路歷訪三山宰其伯氏永叔作俗離之
遊適在衙中欣然握手吟示一律遂步其韻

花林幾望五雲京未料殊鄉鼎坐成忽爾三山南下
路見君一笑座中迎紅醪細酌寧嫌亂素月高懸盡
意清說到童時如夢寐衰年百感此間生

茂朱府中

水石通三界樓臺占一區魚游當落照樵返發孤謳
翠濕欄頭靄紅淡霜後榴偶來仍信宿初見古名州
夜宿喚睡亭

鳴灘如急雨飛沫夜侵樓不寐三更月旅遊四載秋

川原雲漠漠京國夢悠悠衙閣明將到那堪簿牒愁

上元夜渭城守鄭子孝阻雨不至悵然有吟

佳節幽期渭水翁頻驚暮鵲啄窓櫳殊鄉久擬登橋
上華蓋胡為阻雪中嶺路稀人寒樹暗官廚候客夕
烟空高樓獨對孤燈坐新月多猜一夜同

清道郡

半生衣食不曾謀南國部分北闕憂一道文書都會
郡六鰲城郭最高樓雲門供菜來庵釋日本輸銅遞
邑牛三載旅遊形役苦洛東江上有歸舟

順興府

心履世和
邑僻元無事日哦任醉醒簿書朝罕見林木夜多聆
暗水流循砌幽花落滿庭笋輿時度壑突兀白雲亭
龍華洞在州之治而西接俗離北通華陽山回
而野開泉冽而土厚而絕險且遠見者甚罕余
一訪焉無稅而耕穀不可勝食有松而密材木
不可勝用初八結屋者不過一二今爲三十餘
家各占一壑東西稍間不可以盡見然其俗頑
而蠢以獵獸爲業視古之桃源何如也
洞僻千林夏月寒居民不識佩符官峯形削立攀天
迴野勢橫長占地寬黃犢時鳴臨水屋白雲多在護

松壇誰云靈境終難見挹彼丹霞夕可餐

太倉直中

占地八江第一樓百官頒祿萬千秋沙平鷗鷺飛還
集波緩帆檣去若留氣勢真成天府局繁華何似帝
王州山河好作圖中看青草湖前對卧牛

山名

江干孤村

草屋何蕭灑居人立水頭寥寥一犬吠薄暮下漁舟
弼雲臺和趙安叔韻

高阜植杖絕塵紛自喜閒翁非俗羣九十韶光花似
霧七旬遊屐日穿雲殘骸土木神猶旺遠勢樓臺眼

心齋世和
欲分邂逅芳園仍坐久嚶嚶谷鳥隔林聞

歲寒亭次主人韻

雲臺餘興在移步到君庭松老亭仍古人豪地亦靈
林香經雨送葵露向陽零左右圖書裏生涯任醉醒
栖碧亭月夜次軸中韻

興來浪跡碧山尋不怕西風憤墮林莫道危橋鞭馬
腹好看明月到天心高枝鳥宿塵囂遠虛壁雲生夜
氣淡度陌鍾聲霜後厲凭欄始覺薄寒侵

歎老

虛堂午睡起萬事自忘機老去兒多厭春來客亦稀

看花還寂寂啼鳥故飛飛寄語少年者清遊信莫違

翠屏巖汝載攜酒來會會者凡十人沉瓜清泉
載肴髯盤以娛終日或有正襟危坐者或有醉
後善謔者各從天放自成真率會遂拈韻共賦
休道炎蒸出洞頻泠泠松籟爽衣巾山晴已過流頭
雨溪漲多來濯足人泝泝聲高渾應谷盤陀色潤不
須茵巖廊林壑知何處嘯詠殘年自在身

又述古體

鬱鬱澗畔松泠泠石上泉既清且幽絕地勢使之然
翠壁立如屏能遮朱焰燃自有爽氣發而無物累牽

心庵世和
中置如斗屋結構自祖先淵翁丌古經王父侍其前
討論性命際理一分萬千大義凜春秋浩氣彌坤乾
高風安可攀徒聞故老傳我友豪興發招招南北阡
驢馬後先至敘阻一座圓側徑步屨緩溪林笑語連
進飯平地坐舉酒高臺遷杯行既三四肴果又陳筵
高談出世間奇氣一任天此會成真率後觀在詩篇
俯瞰長安道萬家迷夕烟皓月須臾出莫言其歸遄
振衣步溪沙沉吟懷昔賢

太僕諸郎邀余會話

蹇驢馱我到公門滌暑無如太僕軒少日追遊今白

髮萬緣消散即清罇枕移夕景炎蒸遠運動微風水
氣昏櫪上千駒似膏沐鳴通 丹陛畜渠蕃

追思昨會又賦古體

長安十二街飛甍高眩目樓齊北岳腰階對南山曲
六曹非不美視此猶湫隘一院生涼氣千家靜霽色
前庭脩而廣左右連庫屋紅腐與青銅云有十年蓄
華殿養天駒菊豆亦時積園人時牽出赭白摠逸足
肥澤光照地睨影或騰躍昂昂三千匹由來秉淵塞
渠廈搖大扇蒸炎不敢着蓮花復蓮葉清水雜紅綠
中筵列珍羞酌酒以娛客自顧凋散人偶來各飽德

心庵世和
不醉曰無歸老夫興亦極人生如朝露此會難再得
酩酊扶下樓歸卧守寂寞

南村諸益忽訪余轉進趙奉朝賀花園呼韻

騎驢去何處高檜尚書家路細連芳草庭深有落花
老倦眠晝景啼鳥惜春華坐久看雲度隨風任幘斜

夏豐花字

遊絲白日靜無涯玉洞依依盡裏家扶病強隨賢友
至開懷不惜薄醪餘前溪雨過空流水古砌春迴自
發花坐說風光仍忘返陶然一醉見歸鴉

苧崖酒席喜吟一律

柴戟門何靜依然養拙規河豚指暫動谷鳥聲相隨
地僻蒼山近心閒白日遲穿林攜手步世事不曾縻

溪上五老會次杜祁公睢陽韻

清秋勝會盡高年強把溪花徧挿冠緬仰前賢寧跂
及幸生壽域共盤桓藥餘丹竈宜叅契松老蒼山不
怕寒比齒同筵曾有否畫圖畱與後人看

又用別韻

誰知靈境好騎馬到溪扉五老如仙坐三池亦世稀
山虛風易響雲遠雨猶飛盡日無塵事茶烟細濕衣
徃在壬戌之秋七月槐軒丈作既望之遊槎川

翁和其詩謙齋丈圖其事真勝會也其孫五汝
又逢是年之是日能攜酒獨往沿洄江上詠而
歸其雅韻清致有足動人遂令老漢步其韻

傳家清趣又茲遊白髮孫今赤壁秋二老圖詩搜古
篋三湖烟月汎孤舟仙緣應夢冲霄鶴浪跡相親狎
水鷗聞道良宵餘興在不妨藏酒客仍留

清暉閣舊基

清暉墟井落亂石水縈迴高節蒼松在傷心白髮來
苔沉課經處鳥啄把盃臺忍說南荒事天雷竟日開
從子遠根家貧無以資食不勝憫歎吟贈一律

義田最長計斗粟難為資聞爾未炊日即余失眠時
祖先如不祭諸姪况賙飢益勉窓前讀安貧樂在茲

訪新村李士衡感舊有吟

棄官非漫事難變素心存城裏無閒土湖邊有僻村
摘瓜廚婢出打麥野人喧欣戚還今日相看欲忘言
望拜禮有吟

風泉周末感芬苾海東傳一片煮蒿地 三皇陟降
天春秋何晦塞日月獨朝鮮猶可徵殷禮報壇替屋
椽

送徐日如之任達城

心齋世稿
向南華蓋去悠悠江樹風鳴摠別愁曉月送人遲解
纜清秋歸鴈下遙洲達城父老應加額烏嶺山川政
拭眸佇聞治聲春有脚金烏日夜與同流

南友子剛少有意氣憫人窮隄唾世富貴若將
顯揚當時展其所蘊晚而無成氣益不衰語多
慷慨出宰東峽東峽素稱山水之鄉逍遙自樂
歌詠 聖澤豈不爲吏隱之得其所者哉然字
民之責分憂之重邑雖小而亦足以觀政何多
讓於居廊廟做經濟之手乎南友其勉乎哉
一麾當暮年蘭菊各有時皂蓋東出關毘盧馬首窺

秋風吹鬢髮豪興却忘衰流峙相暎發應接不爲疲
傾耳爽籟起舉目翠雲移紫霞濕征袍神仙如可追
村村黍飯熟谷谷山果垂朴俗古來稱地僻何有治
作主樓臺好爲吏山水奇樂員綦巾老怡顏玉胤隨
時聽讀書聲莞爾有孫兒晚餉天所畀完福叟是誰
訟庭黃鳥集琴軒白日遲苔生朱墨印盤登醇酒卮
閒閒好身世俯育亦無飢蠶液不待買山梁自投籬
名賤如雪白無事可題詩楓岳老未躡媿我無前期
髮短心徒長徒勞夢魂馳縱或寄音信其奈隔容儀
臨分贈一篇默默含情思

懷俞友汝成

振衣欲何之出門復躑躅南山鬱嵯峨良友在中谷
莫曰市門近松陰翠似幕一室淨無塵左右充書籍
奇文不停披日出遊翰墨發言星河倒揮毫珠璣落
於我不遐棄平生心莫逆蕙竹思如夢結交至紛白
青雲難可攀泥塗自混跡文章還受憎生涯焉足食
倉庭鬧且熱長腰如山積爲官不辭卑小驂走朝夕
百口繫一身黽勉爲俯育初服久未遂爲君常惻惻
志豈在溫飽喜甚邀賓客尚古有樂意視俗無傲色
汎愛各致敬欣悅在清濁著說應不朽豈與混草木

論文至半醺奇氣亦可掬相視猶虫鵠媿我才劣薄

自諷

功名不可爲有盈還有縮璜聲遠愈章所貴唯道德
曩棄同下愚誰謂有知覺與世自相違徒然守空谷
一日費兩盃對案自媿色菽粟焉知味但令充枵腹
兒能供甘旨或恐重其肉小人好華侈君子懋謙約
有時訪橋友旣觀還默默歸來悄然坐秋月當戶白
虛庭下微霜清夜踈草木萬籟自多聽太空何寥廓
回看名利子一生徒役役曉漏金馬門秋雨長安陌
卓彼漢嚴光垂釣卧草澤

詠蟋蟀

蟋蟀彼何蟲
秋吟不絕長
夏草間伏宜
爾避炎熱涼
月白紛紛其
聲淒而咽志
士中夜坐聽
之悲白髮朝
聞夕死可胡
爲獨蔑蔑人
情覽天機自
然感微物年
光等逝水倏
過三夏節振
衣在何時暗
飛入我室燈
前乍隱現牀
下復出沒己
令良士瞿可
但農夫悅沉
吟唐人詩終
古惜日月

送成都伯朴汝臣

降仙在何時
樓閣空崢嶸
塵世那得親
霞衫遊太清
雖云好樓居
徒然稱虛名
沸江清一曲
太守濯其纓

流峙自得樂
物累何由縈
澄心至寡慾
羽客庶幾迎
官閣夜讀書
石田秋無征
巫山十二峯
羅立青天擎
倦簾常俯仰
勝賞愜幽情
巧笑多嬋妍
欲回使君睛
從古幾剛腸
能不誤平生
北望君親念
洞屬如奉盈
五馬向風嘶
關道千里平
莫言行路易
遇險在俄頃
常懷履冰戒
所以君子成

獨坐

霜風浙浙起
孤燈翳淡更
懸榻無人至
開襟有月明
老蟬秋已默
鳴鴈夜猶征
物候相回薄
那禁百感生
重陽日攜趙
士尊登玉流
前麓微聞松
間人語

移杖數十步洞中諸益已先我來會矣相視而
笑酌酒歡甚臨罷齋言不可無詩呼韻晴字
金風何蕭颯秋日當夕晴步履無遠近心虛身自輕
涉川復踰陌登高老眼明江遠兼天白山迴滴露清
披雲掃蒼苔淡林鳥不驚時維重陽節良朋不期迎
蔚彼松樹間茂草被沙平三三兩兩坐新面或舉名
壺酒時傾斟高談亦縱橫如此良辰何恨無絲竹聲
青邱 聖人作太和囿羣生願言百年間憂樂不關
情

謹次踈齋李相國軸中韻

扶社殉身真大臣吾 王崇報不桃禮三忠並節垂
青竹百世蒙 恩享白蘋古宅燕賓悲往事 天門
頌綍又今旬餘生我是摯庵後感激衷情自倍人

輓南友伯宗詩

久矣吾輩同閑居暇日追隨相接迹憂時慷慨不憂
貧每到公家呼盃酌白頰豐貌世所稱華國需時何
有難屈宋餘韻厄公車白首居然空瓢簞高車多送
巷外過陳編還向靜中看古禮傳家自尤齋佳句驚
人襲八灘稽古通今多所得爽論時透是非源人間
窮達付於天燧屋不葺無怨言風雪扶杖渡溪壑八

心廣世希
十猶能入廟門忍說中歲西河慟雙眼未乾老淚痕
肫肫持身外無求生前不易一布衣回看塵世孰知
高故家無媿全而歸惜哉阮轍窮已甚徒使親朋况
永歎忽然來哭舊榻上玄木橫卧垂素幔斯人何處
更得來散落殘書猶在案雲臺聽樂如夢裏雪窓圍
爐又此時胡爲一疾仍不起故里歡好棄如遺東陵
迢遞北山隔薤歌淒咽去何之刻炬在前柳車後四
鄰吞聲涕瀏洟丹旆悠揚曉雪飛宮鶴長鳴亦含悲
庭下蘭玉相映輝積善餘慶定可期斑揚大筆今已
遠但將哀臆寫輓詩

驢斃

驢鳴忽寂寥童僕坐無聊死骨留皮豹空鞍蛻殼凋
老旄窺廢櫪飢鵲啄垂僂舊踏猶餘草鄰婆掃作樵

踏橋偶吟

纖雲不動露蒼穹萬象渾歸一鑑中岸幘相看今夜
月踏橋猶有故人風通灑燈影依依度長樂鍾聲點
點同乘興老夫扶杖立上林佳氣正蔥籠

社稷 動駕病未得陪班惶蹙戀結吟成一律
社稷邦家大 聖躬親太牢愛民寧有極祈穀不知
勞樂動中希曲誠通上格高微臣淹病席一念在旌

心廣世和
苑

侍衛 殿陛自忘身老官卑仰瞻 天顏不勝
蹈忭茲敢詠歎

珊纓朱笠不稱身強飾軍容入紫宸素學全踈宜下
位玄機廣運幸明辰臣隣就日同寅會 殿閣薰風
過化神昵侍 天顏榮亦極須臾願見德彌新
率稚孫榮掃之行行過南漢

城池如此險將士亦何愚鰲閣先和策蜂巖後壯圖
三田碑突兀八寺劔模糊顯節祠前過心寒丙子胡
其二

胡騎憑凌鴨水東孤城如髮壓雲中嗚呼天運誰能
挽矢死危忠一二同

廣陵途中

錦飾優人挾馬陪松楸漸近廣陵隈繁絃急管相催
發驚動鄉隣上舍來

與李友善長入北漢歷清潭遍觀勝處俱以篤
老之人能作此行豈多讓於香山九十廬山之
遊乎相視而笑遂賦各體

我本倦遊者折簡東山飛清晨二老行驢馬踏芳菲
川陸各殊觀卉木相發輝蔚彼清潭曲行行石逕微

漸到松陰下彩閣如飛翬解橐呼主人孤犬吠山扉
白髮照清水茫茫塵事稀游魚鏡中戲浴鷺石上睇
嗒然仍頽卧無言復忘機年光迅勁矢秋風相莫違

右清潭

相公紆策北城遮三角峯巒鎮國家年近八旬能理
屐山溪四月尚看花青霞峭壁迎人立白石飛湍傍
馬斜始識昇平遊賞好將軍無事鎖空衙

右北漢

示家兒

駟馬其憂大朝騰暮復騫謝公同小草陶令獨荒田

禍福元由己優閒是即仙耕桑豐墅近鳧鴈去翩翩

溪閣驟雨

垂老閒人與世遙古亭無事卧寥寥睡餘雨脚迷南
北坐久溪聲異暮朝心厭鳴蛙搖靜境眼隨飛鶴憂
晴霄歸驢吃盡沙邊草山靄冥濛擁石橋

府吏來納冰牌告以府中故事不敢廢却余擎
手而應之曰此乃君賜也受言藏之可謂榮
及微臣茲庸頌祝之忱仍成一律

清冰善貯玉壺樓頌及三庚冷似秋赤日炎蒸能滌
蕩玄冥造化正溪幽性寒不受蒼蠅汚光澈還同白

心履七香
壁投無似亦忝大夫列凌陰片片荷 恩流

久雨歎

大雨注下跨數朔茫茫天地迷雲日涇流之大不辨
涯咫尺行人難涉越津邊牛馬錯左右水底魚龍蕩
巢窟副手梢工默無語橫波自浮嘉陵筏誰言久雨
不妨農喚此石田都被沒行旅在途多淹滯耕者登
隴空嗟咄側耳簷鈴如建瓴夜寢未穩劇愁鬱架上
衣巾半沾濕牀牀屋漏落不絕在傍兒僮呼起起小
器大器盈而溢鱗比瓦屋尚如此何況草茨漏星月
輾轉半夜仰視天暝中畢宿乍明滅時聞巷外鱗鱗

聲衝泥百丈赴雙闕安得廟堂理陰陽目見八域濟
民物

盧生歌

盧生兮盧生爲汝歌一曲年至八十氣益健筇屐行
遍九街陌昔時有錢草芥視急人之難不少惜平生
豈肯事齷齪半面猶能重然諾訥訥之語款款意盡
交貴賤無厚薄失之東隅又西喪契活蕭然成濩落
千金散盡不復還錦川橋下守蝸屋已矣嗟爾今無
用義氣之人更誰識吾獨憐其志呼來勸一酌

偶到北城無名洞有吟

八
層巖狹逕結苔紋孤鳥背人鳴不聞一道泉聲歸下
界千松爽氣絕塵氛桃花飄瞥飛紅雨林靄冥濛起
白雲獨立空山春寂寂超然物外孰同羣

悼念亾孫

獨夜愁誰語歸雲淚眼邊幽阡三舍地殘月五更天
鴈叫寒霜外蟲飛曉燭前如何老栢樹晚翠不知年
健陵 回鑿露梁祇迎

象設瞻望遠 龍顏感慕深遲遲清蹕轉冉冉翠華
臨士女如雲集臣隣向日忱清明還勝昨默識上天
心

送錦山宰趙安叔

山光鋪錦昔聞名感慨偏深送子行試看古場七百
塚千秋氣節凜如生

題俞汝成一榻樓韻

僅容一榻坐看天樓上閒雲樓下烟靜裏起居從我
好寰中醉夢覺誰先清秋有興終南對良夜無人朗
月憐老境休官塵慮息殘書猶可送餘年

次金炯軸中韻

南陽佐幕地民說昔時碑莫曰中軍小猶能後世知
久沉應有待重豎亦非私白首肖孫在求詩永厥辭

日寒

西北風威動終朝雪打扉藥爐難煽火窓日已沉輝
伏櫪驢休吃投簷鳥不飛坐知窮巷事幾處歎無衣

贈趙別提 錫福

風埃人不識爾祖非重峯有祿纔糊口無田亦廢農
素心堅一拙破屋賃三冬久聞香火絕古廟獨蒼松

乙丑仲春二十八日 聖上順經痘候實吾東

方莫大之慶喜發詠歎用伸蹈忭之忱

吾王至德感西神 玉候蘇完不滿旬街動歡聲千

歲壽天迴熙運九重春舊邦益驗無疆慶哲命宜貽

大聖人幸值唐虞花一度白頭解換太平辰

三月二十五日即我季父祭祀也為拜廟宇往

杏湖述其懷以寓愴慕之忱

剝落歸來閣重攜廿載筇庭荒蔓雜草園濯禿孤松
臺榭尋前跡江山見舊容追曠無語立一點開花烽

步至鳳洲城望見下村

迷茫下西日獨立鳳洲城樓閣元無主江流自在清
寂寥卿相遠出沒漁舟輕日月如斯水幾人枉用情

夏題悲懷

破屋頽簷水上扉尋春燕子謾飛飛庭前草樹空蕪

心齋世和
沒五十年來萬事非

追憶童時事

江樓課讀記童時一部春秋義理知此世父兄何處
侍空將白髮照湖濱

其二

我年十四學書詩童習猶存未覺奇皓首重來前度
地悠悠往事摠堪悲

其三

無事江干踏翠微夕陽頻遇釣魚歸中流舟子遙相
指高閣如輦倒水飛

送家兒藏史之行

太白山藏袞鉞書千秋公眼不曾虛今行汝仗 王
靈去或恐緣吾職事踈

其二

纜罷橫經下 殿遲百花山裏曝書時朝廷未必無
才德 聖代偏蒙雨露私

其三

山川歷歷韶州程白面今爲學士行昔日團圓難再
得西風吹雨暮雲生

思俞友

心齋世和

葵軒

心庵世稿
遲日空庭鳥語喧故人相憶兩山間百年高枕北窓
傲萬籟虛心南郭聞物色都歸金袋客囂聲不到碧
流關靜思跬步難爲力南嶽烟霞夢裏攀

偶吟

混世和光誤此生衣冠懶散罕逢迎梧桐吐葉薔薇
發不覺庭前放杖行

獨登溪亭

清和麗景暎閒袍拾得林花坐澗毛朝日流輝鬢語
樹歸雲漏影鶴鳴臯雨餘古石行嫌滑樹裏孤亭坐
覺高薄醉猶堪臨水檻何須學得竹林曹

樓望弼雲

毵毵松樹間半出一茅屋孤犬走隨人主翁倚老石

其二

遙知是閒者盡日坐芳菲翹首白雲起植杖山鳥飛

雲近樓六景

鬱彼古宮樹長春翠四時夕陽凭老眼飛鷺自投枝

右古宮松翠

無端細細起濃淡一村粧俄頃逐風散坐看天遠蒼

右雲臺晴霞

春晚濃花發日中粉蝶來村童莫折去畱得年年開

右西塢花開

清宵小院靜皓月當空明玉兔搗靈藥倘分下界眠

右東檻月出

閒人自忘機何事爭碁局手與心相謀遲遲落黑白

右樓上彈碁

呼僮汲井水烹茗小樓前一飲爽肝肺山家風味全

右柱下煎茶

國輓擬作

至仁慈覆徧吾東德配 元陵宅兆同衣翟雲鄉隨

日御盤龍山勢秘天工煦嚙克體如傷化陶鑄還伴

建極功可耐遲遲朝野哭丙申年後又淡恫

水聲洞呼韻聲字

晴日鳩筇會友生嚶嚶谷鳥自和聲攜樽白髮元非
俗繞席蒼松倍覺清靜聽幽泉三伏失平臨大地萬
家盈只堪勝處長相對浮世悲歡不用驚

白蓮峯呼韻流字

相期塵外事不厭雨中遊地僻人稀過山空水自流
驢鳴磧草際鶴集苑松頭返照生涼意何妨到夕留

題稷下李知事山亭

秋風能起我扶杖稷西亭林日淒將夕石泉鳴不停

出池千藕綠護廟萬松青薄靄迷歸路終南半露形
孫兒小晷曉坐題懷

曉風浙浙起星月滿庭明虛幔魂如在幽阡草已平
心摧寧有極淚落不成聲會客將移席重言慰我情
獨坐謾詠

淡宵南北搗衣聲雲外霜鴻帶月鳴獨坐虛窓驚節
序天風寥落菊垂英

贈鄭武兼宅亭

桓桓百夫長頭白漢陽城兵學徒能讀銓家不識名
挽弦凌虎怒引酒達雞鳴幸爾鄰居好源源訪老生

鵲之翩翩四章

鵲之翩翩含枝高翔擇木周回迺經迺營寸朽不棄
日就月成無地而起突兀眼中

其二

鵲之有巢迨天未雨載欣載奔爰居爰處像太極圓
至理攸寓設門有方知風之自

其三

鵲之知止居高能安虫蛇乃遠風雨無關不淺不深
利用存身飲啄自在何曾依人

其四

心齋世稿
鵲之楂楂飛自林樾得氣之先颺聲告吉孰敢憎汝
聽者心悅瞻彼鴻鴈奚爲棲屑

遣閒六言

無人相尋窮巷有鳥時來空庭日出拈書爲友夜闌
拄杖瞻星

其二

茶熟烟沉獨坐院淡晝寂僮眠風扉自掩山裏霜菊
初開酒筵

詠鴈

彭蠡湖邊爾所居鳴聲月下憂茅廬窺魚渚鷺緣何

事海岸稻粱穫有餘

其二

碧天如水去悠悠海國霜前一陣浮遙夜羣飛寒雨
外不知何處有蘆洲

其三

春北秋南各有時後先賓主正相宜不離禽鳥能知
禮可媿人心蔽物私

科日戲吟

名利驅人却忘還要津踏盡尚焦顏一身窮達元天
定何事勞心不暫閒

心齋世稿

葵軒

科舉累人古有云英雄無限老塵氛
勅法當時何太誤生平榮悴一
篇文

其二

霜月

皎皎天中月淒淒地上霜
烟消小院裏菊綻東籬傍
肅氣鴻鳴野寒光鵲過樑
無邊兩相白飛照冷山房

早起

早起還無事梳頭白髮新
爐中傳宿火廚下有餘薪
寒日猶山外凝雲忽水濱
微聞人語響相送遠鄉人
李上舍英叔看秋南下

聽雞催短僕隨鴈向南天
宿霧迷前路寒星影遠川
馬嘶曾過店人覓已供錢
來去紛紛者相言大有年

宋洞

大賢考槃地扶杖夕陽明
獨立曾朱壁不聞絃誦聲
廢塘雲影遠側逕澗流橫
非我尋山水遲回愛洞名
窓間樹影

隣司高出樹影入窓琉璃
卧看翠微動兒曹道盡奇
將赴族祖文敬公延
謚曉雨尼行悵然有吟
農翁傳業有賢孫純正淵
源世所尊三渚青甕承祖
訓九重紫詰感君恩聯鑣
驢馬爭填巷滿座衣冠

心廣世稀
儼對罇冷雨終朝還悵望東湖十里暮雲翻

冬雨

泥滑稀人跡寥寥閉戶時黯雲歸擁出寒雨灑凝枝
馬健空騰櫪雞栖不下疇千林飄落盡最愛菊披籬
燈下彈碁

夜永圍棋局常愁老眼迷挑燈分黑白隨手界東西
劇戲還高枕傍觀有小奚重泉杳隔世劃紙憶荆妻

次李季亮壽席韻

得壽由來也驗仁栖栖郡紱恐傷民鬚眉已似商山
老華甲今迴洛社人籬菊泛黃休世累庭松含翠葆

天真舊逢乙丑還如昨少壯君猶六十春

輓朴襄陽美仲

燕巖忽焉沒朋遊自此空人間無傑士泉下有騷翁
傲氣從吾好高才與化通欲窮九州大遼野冒寒風

其二

花洞鳴猿別峴山倦鳥飛浮沉豈俗吏舒卷竟初衣
護疾時炒藥息交晝掩扉冷然忽觀化應伴謫仙歸

其三

結交四十年情好不相遷岸幘談千古揮毫動一筵
層雲何處見樑月夢中懸破屋寥寥閉空畱不朽篇

心齋世希
送季亮

曠野寒風急危橋暮雪飛送君愁獨卧殘燭曉窓微
從弟亾日寫懷

京洛魂無托江湖屋數楹人皆有從弟吾獨孑餘生
此日情何極中宵淚自橫切磋猶在耳堂內媿爲兄
喪餘日述懷

齋沐清晨坐風寒樹不停皇皇如有待寂寂更無聽
號慕君蒿盡徊徨天地冥八旬猶未死襁褓泣零丁
立春

猶存行臘丑已到建春寅桃祝期三壽廚烟和五辛

乍看山色異靜聽鳥音新八十成何事空搔髭背身

早春

已知豔陽節漸聽細鳴泉殘雪消堤上遙山向屋前
茸茸生澗草藹藹起人烟萬物欣相得孰非造化天

雨中謾詠

几閣寥寥絕世緣幽居所樂在林泉洞陰欲雨雲垂
地山鳥鳴春柳暗川細草庭前方漸茁老翁牀上自
閒眠有時戶外生清響只許風頭一磬懸

梅鶴堂憑眺

揚州

梅鶴堂高放眺長道峯山色入簾蒼桑麻十里平蕪

心廣世和
界籬落千家都會鄉
漠漠烟郊村犢散
遲遲春日野棠香
名州景物開心目
鳩杖多時立夕陽

訪李氏亭

移席金華洞
攜筇李氏莊
園中千樹栗
亭下一方塘
雨細耕牛出
春深饁婦忙
主人如舊識
坐久小樓傍

御射臺

玉流山色裏
想像翠華臨
地肅旌旗駐
心傷草樹
深空臺無畫
鵠落日有啼禽
怵惕移時立
衣巾暮靄侵

獨坐謾吟

無事弄柔翰
傍眠一小僮
春陰常欲雨
山日會兼風
鳶嘯枯枝上
雞行茂草中
此翁閒意味
難與世人通

暝坐

暝色自何至
蒼蕪忽有無
山雲樵逕黑
夜火峽村孤
野息歸農婦
林深靜宿身
回頭渾寂寞
弦月掛西梧

弘福山

入境先聞弘福山
肩輿到處碧蘿攀
杖頭谷鳥穿林去
崖脊村童取麥還
地勢高圍藏小野
川流遠注作溪灣
書生猶有苞桑計
但願重關設此間

金谷焚黃日吟呈主人

心廣世稀
松栢空山老百年始發華
小心今輔國積德古名家
祭祀焚黃誥子孫會赤車
白頭甥館客祇拜一長嗟

金水亭

朝宿青城館暮作金亭遊
溪山窈而秀興想頗悠悠
扶杖三人行穿林一逕幽
雲山互呈顏玉屏冷似秋
中流欲濯纓水淡可容舟
振衣釣臺上微茫白鷺洲
莫謂老無力此行自能謀
剩得百年閒散盡千古愁
名區主人非不可久淹
畱浩歌空宇內脫屣有巢由

雨後訪水落山

翠壁金亭興不微
又看水落到禪扉
穹林晝霧晴猶

閣疊嶂羣流勢欲飛
泉石偶尋長夏節
酒盃還惜故人稀
蒼涼夜氣生何處
驅馬平沙帶月歸

水落山聖庵

庵高千嶂上
星月若將捫
天下王惟大
山中佛自尊
石舟西出域
金榻夜開門
僧俗猶吾道
燒香祝聖言

喜晴有吟

草花垂露結林藪
帶烟淡暑退千峯
雨涼生一院陰
我方高枕咏鳥亦
出山音溪水添幾
許喧喧浣女砧

青藜洞

心庵世高

蔡軒

白石平何廣青藜洞有名水流山共遠松老地隨清
酒味生春氣鱸絲引雪莖薄曠倚枕久身外世緣輕
夕陽閒坐
遶屋匏花明返照雙飛蛺蝶坐移時虛庭一樹涼風
發睡起踈簾對奕碁

途中逢雨

沉沉雲霧裏迢遞漢陽城雨色連山闇灘聲挾數橫
馬嘶何不進村遠已淡更涉險心常戒然疑暮道征

秋尋栖碧亭

路轉踈林外亭高萬木中楓臺重翠合石井細流通

度壑稠紅葉登高迴碧空居人垂白髮無事市聲聾

其二

彌雲臺下屋隨伴暫攜筇斜對終南巘直連社稷松
逕回多巷口林密盡秋容弄水徘徊久僮言已暮鍾

輓黃僉樞

杞

此翁平日意超然九十光陰三絕編洞裏齊稱黃憲
隱世間誰識伯高賢身心豈累悲歡境動靜自揆先
後天不謂今朝乘化去茅廬空閉枕流田

其二

岳麓幽居不受塵
燠廬蕭灑戴烏巾
清晨煉液長生

心廣世稀
術中夜澄心壹氣神牀下拜童皆鶴髮庭前種檜已
龍鱗適來適去公何憾空使鄰人涕淚新

謹次松亭閣梅韻

一塵不到地清標靜無言寂寂香逾細生生氣自溫
非關煮酒事休道作羹恩閉戶空山裏相看朝復昏
用別韻又賦七律

高人無伴與梅知一氣氤氳坐卧隨踈影自橫僅引
燭暗香時動客披帷遲遲坯土盆中出寂寂含英雪
裏奇歲暮襟期聊托汝枝頭滿白發爲詩

其二

庭菊蕭條已送秋寒梅親近小溪樓苔植拳曲如龜
伏玉樹分明宛蝶畱連榻琴書淡有契滿天風雪獨
無愁懸燈閣裏數花藥素月依稀枝上浮

吟呈芋崖

北風吹暮雪寒山正寥落兀兀守窮巷淡淡掩小屋
所懷人何處瞻彼城南谷孤燈耿不眠遙夜應相憶
門市心如水坐卧但公國持身若處子臨溪復履薄
天道無終極人世有遲速逝水那可返短晷下平陸
空想少日遊漸稀舊相識逆旅宇宙內歲暮胡不樂
安得日相對忘形披心腹數月一相見人情不知足

心齋世積
冷廚薪如桂波吃成龜縮念寒繾綣意鑿鑿銘心曲
懷緒多於山叙盡非尺牘軒冕非我思餘年送如客
安分無所事拙法在寡欲

夕坐謾吟

西日冉冉下餘輝照我軒庭雪凝寒氣歸鳥相與翻
窮居何所樂但願保子孫朋來可斟觴興到自陟園
優遊好踈散兩孟媿素餐昔時當路人意氣橫乾坤
朱華振芬郁揚揚身自尊發言從風靡是非孰敢論
一顧生光輝車馬日夜奔競進莫知休功名令智昏
何爲事夸矜不思清本源朝雲暮坑坎富貴焉常存

回看繁華處今鎖雀羅門自古田舍翁閒閒養雞豚

陪宗中二老邀隣友士尊共酌

衰病無人訪追隨有我公驥殘思伏櫪鷹老怕翻空
白雪吟誰解青雲路已窮歲闌聊設醴薄醉兩三翁

伯氏祭祀日南望愴懷

吾家老宗子南邑薦誠禋天雪慘將夕嶺雲杳隔晨
焄蒿如在目牀席暗傷神無限鵠原淚孑然半死身

積雪

顥光同四面天地杳端倪井路穿來細溪山望處迷
鵲翻還止屋松暗獨分堤靜聽行人語平郊沒馬蹄

送李大諫之任慈山

慈城西塞重朝屈諫官尊乍撤封章筆行臨擊柝門
金銀應識氣部屋自無喧倚斗歸雲遠仙樓繞夢魂
閒中謾吟

懶起芳春睡高齋日欲西看花凭曲檻隔樹聞寒溪
天遠隨寒鶴院淡戲草雞呼僮頻掃席巢鷲墮芹泥
輓朴判敦寧平叔

少日文華世所推中間困隄激男兒驪湖淡泊三間
屋泮水蹉跎五黜詩窮處益知冰蘖操平居不失津
繩持忽看肘後印如斗天向斯人晚報施

其二

如水其心玉潔身夙宵淡念愛君人廿年輔導愉愉
色一席詩書細細陳北闕鍾聲趨侍惜南園春事退
居新偉功歛却清都去慟惜宸章泣廷臣

其三

位重布衣閉戟門雌黃一世獨無言懸車故里猶餘
事護聖深宮絕外喧兢惕居家仍習性寬仁接下
自含恩尋常積德人誰識祈永宗祊血悃存

觀燈

懸燈洛陽夜扶杖弼雲阿出洞猶嫌少登山僂覺多

玲瓏開世界皎潔並星河南北聲相續村童擊缶歌

同宗老江遊

江溪多爽氣五月似清秋帆逐斜陽轉山將急浦流
鷗飛還墮水魚躍或登舟自是忘機者烟洲任去留

葵軒詩抄附錄上

葵軒詩抄附錄目錄下

詩

聽琴歌

謹次無俗軒重修韻

與洞友步往棲碧亭

謹次尹令景晦賞蓮韻

贈五汝

念亾友平叔

霽月

石瓊樓

心庵世高

聽細樂

南殿酌獻禮日庸寓蹈忤之忱

桃廟奉安日愴喜交集吟成二律

秋夕

秋夜

贈東游者

九日登翠微臺

次趙士尊韻

郊村

過孫墓

訪太極亭

疊題

靈芝洞

送秋

民產

田家行

訪李監司 培元 香石亭

還榻

風雨夜

送閔友 斗懋 之任善山

心庵世高

歷訪崔亭

同里中諸老登玉洞麓

洗心臺有感

送春

過趙奉朝賀後園

送俞友赴沁州

楓溪宗會謹次新字韻

江行

挹清樓

挹清樓次族弟仁瑞韻

次五汝韻

同五汝訪李長卿小園

同社中諸老入翠屏巖

三溪洞

霽夜看月

送家姪赴任花林縣 二首

山館

哀姨弟趙大卿

松亭呼韻

李五汝宅拈朱詩韻

送吳知事就養甕津

亾孫祭日

早秋

五汝誦道次朱詩韻老夫亦和之

過趙從大卿家

自道

月夜五汝來訪

種石榴

搗衣女

輓柳洪州

師模

燈盞

重陽登高

又賦

雜詠 二首

菊月

夜永 二首

移菊

圃軒會中拈劍南韻

送李令公仲善就養報恩 二首

松亭七十二歲醉席次宗字韻

輓沈三陟 公著

謹次勸夏吟

至日偶吟

獨夜

聽琴

是夜次翠軒詠雪韻

立春

汝成來訪

四皓來訪

上元夜同諸老散步通衢

謾吟

觀碁

春分日

雨中次杜工部韻

寒食日有感

栖碧亭

趙奉朝賀後園

九曲洞

松竹軒

崔園

聽琴懷三山李令公

春夜花月

出郭

江行

第一樓

落花

春盡

仲善歸自三山喜而有吟

燈夕

溪園

光化門前步月

繕監後園小壇新成

梨園直中諸老餞我南行

省楸途中

登拱北樓謹次仙源先祖和中華人薛荔齋韻

官樓望山城

觀風樓遣閒

登鳳凰山

錦壁汀追念朴友平叔同舟之游

行到山中茅屋

錦壁迴舟

南至懷故里

贈姪兒遠根

夜雪

屏松

喪餘日

南州除夕

喜徐君受來訪

生朝

春晚

途中

早行

扶餘

臯蘭寺

疊題

次悠然齋九老會韻

次陶詩結廬在入境韻

次陶詩責子韻

次陶詩江陵途中韻

觀漲

心齋七希

又題

流席火

錦江馬上口占

下嶺

城坐

高齋雨中

見騎牛

觀魚

七夕

樓夜懷山

官齋夜坐

螢火

秋七月既望舟遊錦江

又題長篇

蓮花

華陽洞長句

巴串

仙遊洞

文義縣

贈燕行

心齋七希
葵軒

葵軒詩抄附錄下

詩

聽琴歌

琴引步虛曲歌哀進酒詞蒼山來遠檻白日駐溪巖
飛鳥鳴相逐眠僮起不遲靜聽仍倚枕吾老幸清時
謹次無俗軒重修韻

十世吾宗宅風霜凡幾經殘孫嗟鬢白遺業尚氈青
置酒重開牖培松更掃庭塗茨於爾見感激涕還零
與洞友步往棲碧亭

鳥鳴高樹上蠶亂雜花中植杖楓臺坐山溪自爽風

心齋世稿
謹次尹令景晦賞蓮韻
北郭閒翁罷睡餘芙蓉消息故人書酒濃葉上朱顏
駐雲度花間碧沼虛乘興秋風扶老病休官城市有
幽居况吾諸友皆心契不恨殘齡與世踈

贈五汝

文章終古少歡娛藥裹關心病未蘇世慮頻斟藏瓮
酒鄉思泮擬泛舟湖庭榴結實秋將晚階竹生陰月
自孤罕到隣家諸老席晴窓會意有書圖

念亾友平叔

秋期荏苒至漸看庭榴紅垂老悲歡裏含生化育中

知貧無我友扶病有兒僮茅屋身長在不妨世事聾

霽月

彌月常嫌雨今宵始捲雲暗飛螢火度幽響草蟲聞
玉露林端潤秋毫望裏分簾垂猶照席怪作五花文

石瓊樓

晴日緣溪步鳩筇石上畱臨流多白髮出郭已新秋
物外惟吾輩林間有此樓生平觀水興老去未能休

聽細樂

高閣歌扇動老夫拄杖時調絃流水去橫笛白雲遲
病裏神通氣睡餘思入詩微微聲復靜仍忘夕景移

南殿酌獻禮日庸寓蹈忭之忱

曉開南殿鑰 五聖畫圖尊寶彩垂裳靜香烟繞榻
溫陶勻由禮樂蒐蕩整乾坤仰想於昭德東方萬世
恩

桃廟奉安日愴喜交集吟成二律

一門惟我老祖廟是依歸杖履如將奉曾玄已覺稀
思先情曷極惟孝事多違悲喜自相集餘誠未解衣
其二

四世一何促玄孫我獨存奉祠回故里推孝仰旋門
幸逮仰誠地逾思庇後恩祇傷衰髮短幾歲薦蘋蘩

秋夕

仲秋十五日驢馬出城門古墓逶迤路寒烟斷續村
霜風淒檜栢野日薦蘋蘩八耄湖山阻孤懷淚自捫

秋夜

玉露微微下金風颯颯鳴蟲聲侵午夜秋氣滿高城
積悔燈前集遐情野外生衰年仍養拙焉用尚浮名
贈東游者

人生貴不羈焉能守空堂秣馬東出郭秋雲野色長
碧空何寥廓鶴鶴自翱翔行行踰阡陌墟里築圃場
打稻男聲欣縫裳女手忙天地同一冶造化誰能量

百年非我有何須計得喪身心惟適安隨水且登岡
手揆囊中錢痛飲倚店牀顧視營營者摠是東西商

九日登翠微臺

憊慄西風菊散芳一年佳節最重陽寒聲落日來鴻
鴈野色微霜熟稻粱滴露畱痕紅樹濕浮雲捲翳碧
天長白頭強把茱萸插自笑衰翁興欲狂

次趙士尊韻

佳辰強逐北鄰翁偶立秋山白髮同佩酒小僮能解
意滿城楓菊醉醒中

郊村

家居何所樂騎馬出楊州平地閭閻穩荒山草木稠
風雨前宵過稻粱盡日收農談燈下聽太減去年秋

過孫墓

兀然三尺墳藏我一賢孫白髮誰能見青山獨不言
寒霜原草結殘日墓門昏恍惚吞聲坐烏鴉故作喧

訪太極亭

高亭絕岸屏塵埃一曲澄潭抱壁回八卦分明檐上
畫千村錯落野中開潛魚在藻疑人過怪鳥窺林訝
客來芝老弄丸今已遠悄然長嘯下楓臺

疊題

心廣世稀
山橫大野盡 陵樹晚依依
行觸輕鷗起 坐看宿鳥
飛 引壺來遠岫 臨水送晴輝
誰是閒中主 老夫欲忘
歸

靈芝洞

幽僻郊居最 中堂靜几牀
樓臺隨地起 車馬帶天香
老檜亭亭碧 寒花寂寂黃
風光能醉客 日暮去何忙

送秋

他鄉送秋盡 僚慄客懷長
落葉蕭蕭下 鳴鴻點點翔
乾坤無限大 日月有斯忙
老樹當軒立 幾年飽雪霜
民產

終年胼手足 不免瓶罍空
暝飯燃松火 晨樵冒雪風
理生編戶苦 催糴列倉同
鄭畫誰能進 無才媿老翁

田家行

腰鎌盡日刈 桔服凡幾束
翁隨兒牽牛 背負齊其角
間關下山坂 路暗前溪黑
誤觸卧柳枝 啾啾驚栖鵲
犬迎踈籬出 老媪候門隙
廚烟藹藹起 鼎中糲飯熟
燃松以爲燈 羅坐充枵腹
不眠夜自淡 因言勞手足
三夏多病畦 九秋少擔石
明晨又往田 勿怠鄰人囑
誰知粒粒苦 我爲一太息

訪李監司

培元

香石亭

心齋世積
行尋香石洞童指隔溪隣等是亾羊世羞爲拜犬人
古亭經浩劫高檜出囂塵聞入尊周錄應蒙鳳紱新
還榻
鄉園日涉自忘形老境開懷太極亭回看白雲生遠
岫歸來黃葉落虛庭傲裝不避朝霞濕高枕還愁夜
雨聆我已衰頽僮且懶任他蛛網鎖窓櫺

風雨夜

病裏無端歲月歸天時人事自相違憂心悄悄孤燈
在冬雨蕭蕭落葉飛高檜中宵聲不已煖爐淡屋火
猶微隣朋咫尺難逢着獨對殘書掩小扉

送閔友

斗熾

之任善山

嶠南一善竅名州上洛歸舟昔我遊山勢兩邊開錦
帳灘聲十里有高樓趨庭已覩彈琴治卧閣應聞岐
麥謳隨處感懷遺澤在殫誠不但任分憂

雪後日暄

晚來風忽起宿霧捲長霄消盡千山雪澄清一院朝
鳴泉流瀼瀼飛鷺去遙遙澗道蒼苔滑無人問寂寥
風雪中五汝忽來訪拈杜工部韻

大地紛紛積高天漠漠迷巷狃相顧吠林鵲各尋棲
竟日侵籬壓隨風入檻低今宵應有月期子澗邊攜

敬呈松亭

松亭大父行垂老更情淡每觀還無語相知獨有心
灌梅僮引井投轄鳥歸林頭白終何事頻開歲暮襟
訪宰監直中歸路有吟

垂老人生甘處卑百年世事不須悲遙村霽雪延明
月淡巷寒鴉集古枝玉笛崢嶸仍接屋金波蕩漾又
連池林間暝杖乘曛返仰看星河步自遲

南至夜獨坐

百年多病竟何成枕上頻聞五鼓聲積雪高齋身獨
卧踈星永夜意俱清地雷已報三陽信天氣應噓萬

物情如有隱憂仍轉輾依稀曙色半窓明

新春

於焉殘歲盡恰似送人情薄靄依山起飛禽上樹鳴
青春稀舊伴白髮謝浮名老閱人間世徒然寄此生

夜雪

夜半飄飄雪朝來一院盈窓間侵有影庭畔落無聲
飛鳥歸溪藪孤烟逗遠城老夫扶杖立迴望悟神清

人日

星貞孟陬際日在上旬中飛走清先路圓方贊化功
分排誰得妙位育信無窮正氣人偏受本然豈異同

念亾友朴公

地僻何曾車馬尋白頭人世獨傷心素琴寂寂爲誰
拂綠酒時時謾自斟斜日戟門啼鳥下東風竹迳碧
苔淡終南山色空依舊舊客徊徨涕滿襟

上元夜謾吟

鳩筇隨意去新月出雲間好友如相見長橋遂忘還
清輝歸積露高影並羣山今夕堪娛樂何關鬢髮斑
五汝歸路歷過共抽杜工部韻

候月橋頭立金波映白沙忽生千亩影分照萬人家
直到中天迴仍成午夜斜踏來渾忘老且向少年誇

次五汝用別韻

是夜金吾放喧聲九陌天舊知攜子去新月向人圓
遠邇光無隙盈虛歲自連長橋縱日久風露曙蒼然

又賦春雪

暫寒烟逗氣輕灑鳥回羣似雨翻斜日隨風翳遠雲
漸看春樹濕應得夜簷聞落地仍無積緣溪一逕分
次汝成秋鴈韻

寒暄作伴不相離度盡千山憂王畿北塞風霜能受
節南湖烟水可忘饑一行肅肅依雲起萬里迢迢帶
月飛獨立秋天多感意白頭城市未言歸

春鴈

春天晴復迴歸鴈羽毛輕箇箇乘風勢依依渡水聲
堂鸞如相避浦鷗自有盟清涼紫塞足隨意月同行

哀李綏之

槎老家藏未就刊千金不辦每傷嘆青雲不可人人
致白屋那堪事事難貧窶能分辭受際坦夷猶哲是
非端胡然一疾終無起徒使隣翁涕淚汎

悠然齋壽席謹次軸中韻

和瑟齊鳴一室全扶筇諸老自忘年山光日永相看
處花氣春多未發前竹裏洗盤兼味潔松間把酒雅

遊專座中白髮誰能健歲歲東鄰赴此筵

皇壇祭祀日有感

再造吾邦百世享嗚呼 帝德不能名九天奏樂
皇靈降五夜虔誠 玉趾輕左海風泉徒感慨中原
戎虜尚縱橫陪臣敢道思先義獨抱麟經淚濕纓

陵幸

平明闐闐開龍旗出透蛇彤雲挾 玉輦都人聞鳳
吹欣欣羽旄美化日照無私萬馬不失伍千官敢言
疲細草風初晏晴陰柳絲垂五 陵一舍止翬峯瞻
在茲有聞更無聲翠華不自遲肅穆松杉邇誠敬近

臣知

弼雲臺

弼雲高處四望通
遲日壺觴白髮同
撲地風烟千戶錯
環城氣勢兩山雄
穿花戲蝶斜陽裏
出谷鳴禽亂樹中
陌上軒車迷去轍
終知老眼視濛濛

塵訪崔亭

錦川橋僻處茅屋
隱朝霞種樹居人
老看花過客多庭
虛交竹翠牆古帶
松蘿蕭灑無塵氣
青山檻外峨眉同
里中諸老登玉洞
籠

玉洞藏佳境遊人
日復尋草花分暎
岸園木各成林

聚集緣無事優閒
或聽琴看雲孤鳥
過天際翳輕陰

洗心臺有感

心臺昔遊處皓髮
偶來尋雲去邱陵
出鳥啼草樹深青
山難與語白雪復
誰吟種菜村氓老
荒垣落日陰

過趙奉朝賀後園

雨氣斜陽轉細微
鳩筇來叩小園扉
院淡啼鳥遷林緩
春去殘花繞砌飛
縱酒不嫌人已老
尋山更覺世相違
追隨里閭雖云樂
可奈江湖未拂衣

送春

晴日生清輝扶藜
坐翠微蔥蔥千樹
出暗暗一春歸

心齋世和
花落碧山靜草淡黃鳥飛誰知消長處不息自天機
送俞友赴沁州

結髮同遊六十秋送君今日古沁州摩岑尚帶龍蛇
恥甲水空淡杼軸愁從事元戎非宿志爲貧泛宅祇
身謀落花啼鳥俱悵悵離別殘春奈白頭

楓溪宗會謹次新字韻

同根百代各分身是日團圓更覺親源出白山流水
遠翠連高閣古松真當筵花樹冠童會永夕盃樽笑
語新請看尤翁忠孝字諸公敢忘述前人

江行

郊野黃雲麥已秋蹇驢白髮曉江頭樓臺層出東西
接舟楫橫連日夜浮商女當壚沙上岸村兒弄水柳
陰洲傍人莫道身全老興到猶爲少壯遊

挹清樓

挹清樓迥碧波回削立層巖石逕開舟楫西風愁極
浦笙歌朝日上高臺中江水積魚龍伏絕岸沙明鶴
鶴來白首隨人渾謾興簾間雲影摠無猜

挹清樓次族弟仁瑞韻

藹來社中伴共登巖上樓江清神自動潮滿勢如浮
浣女圍沙渚漁翁倚片舟轉頭雲霧散鷗鷺水同流

次五汝韻

六七閒翁下斷阿鳩筇近水照皤皤無心海鳥穿雲
去得意漁船載酒過鞍馬徘徊山色晚樓臺隱映夕
陽多郊原麥熟炊烟起細雨田間野老歌

同五汝訪李長卿小園

鄰友起余去鳩筇澗上攜山頭微雨過天際片雲低
繞圃青瓜蔓緣牆碧樹齊小園經濟在好鳥亦來棲
同社中諸老入翠屏巖

躋攀多曲折啼鳥一林間松老生涼氣山明對舊顏
白雲高不動流水去無還衰質今焉用猶甘到處閒

三溪洞

背郭開林壑三溪洞裏鳴隨人緣草岸盡日坐松聲
小屋淡淡在疎烟淡淡生山溪經雨久圃果墮柴荆

霽夜看月

雨後孤輪白金波動草堂雲間初隱影露下更增光
天迴星河少庭空草樹涼婆娑侵素髮隨意引杯長

送家姪赴任花林縣

使君無事對庭榴暇日頻登霽月樓百里桑麻清露
濕千家松竹翠陰浮猿山士去風猶在鶴洞仙歸水
自流送爾名區多感緒白頭吾獨世間留

心齋世稿
其二
秋風送汝夢魂牽此地分憂我已先舞鶴村前多白石
醉仙臺下盡晴川山田雨細耕牛去蕭寺花開老
釋傳綠竹籬邊稀簿牒橫琴高閣罷閒眠

山館

山館晝常掩閒雲屋角連清風滿素襟寂寂聽流泉
寡立志非高窮棲已老年久坐易頽卧一日三四眠
驢鳴櫪上立雞啄草間跼榴花次第結箇箇向陽懸
仰視白日光倏忽東西天四節相推遷秋色并梧先
白頭無一事攬物自悽然

哀姨弟趙大卿

嗚呼樂靜宅子孫何凌替名門無族親窮途有兄弟
孑孑棗花影相依慟靡逮五色早佩符自是清白裔
洞洞忝先戒切切感君惠持身若處子世路寡追逐
恆居壘簾樂至老同寢食移家北山下有時開酒席
父老扶杖至談笑以永夕與我外家同撫古語悽惻
尺地幸接隣源源庶無極如何隨季兮一日並云沒
急走及寢門忽然二殯設不意分灸日榮衛已盡脫
慟矣萬事非拭淚心慌惚隣里共匍匐行路亦含恤
况我當衰暮柰此兩弟失竢然孤兒在拚號氣欲絕

心齋世積
積善終何徵故家今寂寞素車明將發迢遞連山陌
天道不可詰徒然費嗟惜白髮哭送之吾生益窮隄

松亭呼韻

老樹空庭立時過有白雲蒼寒長處僻盤屈獨離羣
夜月婆娑影斜陽錦繡文牆隅對孤竹氣色未曾分

李五汝宅拈朱詩韻

溪堂風雨感秋時坐看踈簾鷲子歸黃菊欲開須晚
節白頭閒卧送殘暉故人巷外頻攜屐病骨牀前不
廢衣山童莫謾催呼酒更抽書卷講溪微

送吳知事就養甕津

板輿遙向甕津營大耋西樞八座卿時值 聖朝優
老日天成孝子養親情蠻烟不起將軍卧鳩杖長寧
極宿明海上呼鷹騎馬出異鄉風物錦囊盈

亾孫祭日

是日如將見汝形白頭垂淚坐晨星感通一理終何
識哭盡虛筵月倒庭

早秋

鳴蟲寒候近山屋易先秋黃綻盈階菊紅垂繞檻榴
涼風生眾壑落日照高樓萬象俱寥廓白頭感歲流
五汝誦道次朱詩韻老夫亦和之

心齋世稿
老境秋猶病閒居日自遲白頭難學俗黃菊好吟詩
鶴立孤雲迴鴻鳴暮雨時
藜筇通一徑有興不須期

過趙從大卿家

旋娶向何去衰懷易感傷
棣花歸厚壤長枕倚空牀
殘日西園暮悲風一室涼
庭蘭畱弱植霜後有餘芳

自道

寒暑忽遷易霜清古樹林
溪山徒晦跡名實遂無心
流水開襟冷閒雲繞屋深
栖禽頻入座時或發高吟
月夜五汝來訪

幽居觀物候秋色入山楓
月裏來良友松間坐老翁

金風生遠樹玉露下晴空
微爾會心者那能此夜同

種石榴

小院深無見庭榴一樹斜
嬋妍初吐葉窈窕晚開花
長夏培根久新秋結子嘉
誰知安石種來侈北山家

搗衣女

村娥攜素練山屋落丹楓
亂搗翻明月單衣逼冷風
不眠清夜盡勞力四隣同
燈下針絲急知應篋裏空

輓柳洪州

師模

南州五馬明將發日欲昏
時過華門抱負由來經世
志別離強半濟民言三邊
絕塞勞曾甚萬里滄溟病

有源哀彼浦岷何祿薄蒼黃泣送素車還

燈盞

欵器添油整亦難須臾翻覆忽無端山童勤護頻挑
跋照我殘書仔細看

重陽登高

叢菊村村發重陽冉冉來秋風乘興客落日高臺
遠水爲誰去羣山向我開海田稷稻熟鳴鴈日相催

又賦

山高水遠漢陽州絕岸扶筇暮景酬鴻鴈羣飛清渚
上茱萸亂插少年頭前溪歷歷童游日落木蕭蕭老

去秋攜得鄰翁情未已斜陽沽酒更登樓

雜詠

山南倦道游山北喜登臨逶迤到絕頂廣達滌塵心
路細疑無地峯高不見禽雲日相交輝谷谷錦樹林
飄然遺世立天風散幽襟

其二

拙性難推移頭白守故林愛玩圖書列栽植松菊淡
興發散幽杖自然向遠岑翳翳雲嵐影泠泠澗水音
峨洋暗相契何用三尺琴

菊月

心齋世稀
皓月照黃菊清輝兩相得幽人爽襟懷羣山併寥廓
婆娑孤影動徘徊暗露滴朔初生半魄霜後有餘馥
獨立東籬下高挹桂宮白

夜永

夜永卧不寐斜月照淡房寒凝四壁靜捉被知嚴霜
轉輾懷往事悲歡摠亾羊菊影窓前翳鴈聲雲外長
冥冥天欲曙幾處枕黃粱

其二

古人惜日短老我愁夜長夏鼓稀窮巷殘燭翳寒房
披書眼花眩搔首倚空牀霜風吹枯樹獨有盆菊芳

轉輾懷不樂時聞鴈南翔

移菊

山僮能解事移菊老翁家嫋嫋垂黃蘗濛濛濕紫霞
晚香霜後潔寒影月中斜挹露清心肺還勝啜茗茶

圃軒會中拈劍南韻

心清體弱步仍輕藜杖熟知溪上程盆菊盈軒秋不
盡旅鴈呼侶夜猶行詩篇偶就聊消寂麴蘖長親欲
晦名一嘯高樓多白髮朝華夕悴摠浮生

送李令公仲善就養報恩

鯉庭賢太守鶴髮老神仙黃耆尚無恙赤松信有緣

臺藏雲萬疊寺古佛千年鳩杖頻搜勝環觀一邑傳

其二

有命專城養無憂老境閒大鵬違萬里瘦鶴入三山
吏採靈芝秀僮偷火棗斑祇愁茅谷裏雲樹隔韶顏
松亭七十二歲醉席次宗字韻

甲餘一紀又今逢壽耆居然族黨宗雪重清光看白
岳歲寒高標撫蒼松稗陽消息梅心動孝子精誠酒
氣濃我亦門中多皓髮猶能是日杖幽筇

輓沈三陟 公著

坯文攜郎社苑東容儀始識水流中右軍筆法心常

契杜老詩篇意已通與世浮沉猶守拙含杯跌宕每
披衷殘齡又灑草樓淚自是浮生恨不窮

謹次勸叟吟

世人於我何曾憐却恨駑才未受鞭科臼自慙歌鹿
日騷壇誰擅執牛權敢言聲律妨吾道不耐吟哦困
老年睡罷虛堂無一事坐看華岳意悠然

至日偶吟

夜半潛雷地底鳴應從是日道心生天君瑩澈元無
累人欲紛紜或蔽明已驗寒梅燈下影且看柔艾雪
中萌睡醒高閣欹巾坐岳色蒼然萬古情

獨夜

檢詩開篋久孤燭小僮持一夢悲歡過謾吟日月遲
歲淡雙杵急樓迴眾星垂寡欲真叅契成丹自有期

聽琴

有客攜琴至軒空月影門五音絃上出一氣夜中存
天籟微微動峯雲故故翻高樓還聞寂會者自忘言

是夜次翠軒詠雪韻

雪淡門巷靜風厲壁燈吹的歷銀河影疎森玉樹枝
庭盈生皓皓簷積墮時時高卧袁安意老夫今夜知

立春

檐上朝題祝山中已到春乍遲簾影轉漸覺病骸伸
小院雞聲懶淡林鳥語新欣欣物自得薄靄細生塵

汝成來訪

倚几看山坐騎驢冒雪來蕭然塵事遠倏爾歲華催
披篋多前躅登樓有舊盃白髮須頻見畱約百花開

四皓來訪

藥裏關心只自憐豈圖今日八旬年悠悠歲去人多
老浩浩天長月更圓無事新春藹酒榼乘閒舊伴到
林泉交頭竹杖清溪立觀者傳言地上仙

上元夜同諸老散步通衢

心齋世稿
是夜天門放金吾山人乘月竹筇扶光流大道渾江
海影落遙岑即畫圖 聖德難名民物盛佳辰無限
里閭娛休言白髮凌寒出散步橋頭氣欲蘇

謾吟

垂白碧溪老高樓獨卧時氣衰甘就睡心弱易生悲
日有香山會世無鮑叔知長吟還倚几可愛月窺帷

觀碁

一局晴暉永相看下手稀商量斷續計密勿東南機
落落星躔闊依依鴈陣圍休論勝敗事河洛見溪微

春分日

節序無端晝夜平老來窮巷感時情病餘白髮衣裳
懶分外青山戶牖明漠漠城雲常雨意飛飛谷鳥已
春聲氤氳一氣徵何處細草空庭日漸生

雨中次杜工部韻

春雨晚來急溪雲暗處生鵝眠仍獨立鳥聚更無聲
老去朝衣罕樓深夜燭明卧知山內事花氣動西城

寒食日有感

兒生八十尚頑然千里松楸隔幾年寒食東風心自
感故山明月夢常懸短阡猶記裸將地宿草應多雨
露天孺慕老來寧有極深宵淚落蓼莪篇

栖碧亭

濃花淡雨露看到碧溪扉與會琴書錯清生水木輝
雞栖山日晚鶴唳洞雲歸煮茗林間坐蠶飛粘客衣

趙奉朝賀後園

啼鳥尚書宅春淡古木園看花二老至鬪草小兒喧
已識風霜久猶餘檜栢尊茅廬如宿昔肯構有賢孫

九曲洞

鳩杖同鄰友踈林隱亂花老來悲昔日行處惜春華
樹密迷沙逕烟生見草家主人能掃席楓井向余誇

松竹軒

露頂松間鶴髮垂百花淡處夕陽移百年多病誰能
念五老名區獨有期流水蒼山還寂寂歸雲白雨墮
時時緣溪鳩杖自來往石路崎嶇未覺疲

崔園

雲臺雜沓意難寬更向崔園解午餐樹大庭前人亦
老花飛洞裏客來看重林已得三春好近水應多五
月寒莫道生涯閭巷陋簾間盡入碧山巒

聽琴懷三山李令公

琴度盈虛曲閒雲去復還希音靜一座信息杳三山
鸞聽離樑上花飛老石間拊絃回首久迢遞故人顏

春夜花月

小院春宵寂幽人坐不眠花濃頻滴露月上暗浮烟
靜立林間木空明洞裏天清香帶孤影况有聽流泉

出郭

此身行止信乾坤偶策蹇驢向遠村白鷺羣飛明草
岸青岑競出靜荆門江湖畫閣凌風迴井落桃花照
日繁舉目春光隨處好閒翁又對一清樽

江行

行行野闊上朝暉馬首春鴻不遠飛易識浮生多老
病難教逸興脫塵機浦村魚氣市人集津船櫓聲估

客歸垂柳渚清成久坐最憐花木落猶稀

第一樓

官閣何寥寂青山對皓脣嘶驢踏草至倚枕觀棋時
樓迴人聲小江長鷺影遲身紗豈素志細酌有淡思

落花

春山過驟雨溪樹少光輝背日紛紛下隨風處處飛
畱香斑石砌飄影散柴扉林路白如雪扶筇眼欲微

春盡

韶光自有限老去何須驚花落山長在春歸月復生
黃鸝流響遠綠樹駐陰清請看庭松立常含晚翠情

仲善歸自三山喜而有吟

去時黃葉曉霜催歸卧城南花已開萬疊雲淡無奈
阻三春鴈盡始言迴行難老境身猶健說到名山氣
不衰白髮相看依舊樣綠陰多處更添盃

燈夕

偶逐觀燈伴仍知人物昌參雲千竹影暎夜萬珠光
天地還無隙星河轉失章童心老猶在鳩杖上高岡

溪園

心遠溪園僻鳩筇獨往時羣生皆有樂一理自無私
流水去何息高山靜不移幽禽啼復集滿地綠陰垂

光化門前步月

月上宮林白時聞宿鷺驚軒車行已息閭戶坐來盈
光動天河互清歸夜氣生心虛無俗物中夜獨含情

繕監後園小壇新成

岸白先開眼小壇新築成拓沙因石壁芟木對宮城
峯壑遙遙接閭閻簇簇平無風一院靜坐看暮烟生

梨園直中諸老餞我南行

古院清游惜別離臨岐白髮醉吟時孟行永日簾陰
靜樂奏華堂舞影遲木覓山頭浮積翠廣通橋上駐
游絲曲終四座還悵悵錦水悠悠去後思

省楸途中

松楸八望茅山陰病骨還忘暑氣侵
島樹晚風吹白髮海天斜日繞青岑
歸雲漠漠川原曠征馬遲遲店屋淡
俯伏荒邱收暗淚劬勞曷報一分心

登拱北樓謹次仙源先祖和中華人薜荔齋韻

雙樹城高錦水潺樓稱絕勝昔人攀
川原錯落雲空住日月飛騰客復還
歷歷皇華曾過跡依依岳色尚開顏
垂絲暮渚忘機坐自愛苔紋石上斑

官樓望山城

山郭暮烟起譙樓古木齊蒼崖橫細路
落落去人迷

觀風樓遣閒

吏退還山閣庭空野馬遊翠深多老木
紅映起高樓雲影淡藏雨蟬聲老欲秋
微吟時散步病我失羈愁

登鳳凰山

人生到老自無求白髮隨兒作遠遊
錦繡山光飛鳳岫沿洄水勢古熊洲
村家稠疊斜陽際喬木參差畫閣頭
南國孤吟秋已動羈懷感激易生愁

錦壁汀追念朴友平叔同舟之游感而有吟

錦壁亭前再繫船臨江把酒定何年
親朋落落皆泉壤短髮垂垂獨世緣
老木經霜依舊壑踈籬隔水上

心唐世和
孤烟昔時勝賞今安得
便覺悲歡競逝川

行到山中茅屋

秋清移步遠林木
駐霜輝小屋依山僻
居人掃葉歸
生涯還自足
穡事未全非
欲識幽閑趣
雲深竹裏扉

錦壁迴舟

策馬平沙路
觀魚錦壁秋
風前乘小艇
月下過長洲
岸樹依依去
村燈點點留
回頭收纜處
雲際隱高樓
南至懷故里

居然南國一陽生
白髮羞看鏡裏明
溪舍閣梅誰伴
影錦城牙角自高聲
坐淡旅館人稀到
春動鄉山鳥

獨鳴爲客倍驚南
至過燈花向我若含情

贈姪兒遠根

歲暮猶爲客
長吟野望時
懷人頻入夢
况汝會如期
喜極還無語
夜深更聽詩
寒風吹短褐
溼落正堪悲

夜雪

東窓扶杖立
夜雪忽平臯
漏日溜頻滴
隨風勢更豪
埋來連草屋
飛入冷綈袍
且看林深處
投禽不敢號

屏松

屏開盤屈翠
橫卧壁間虛
雨露何曾借
蔥籠自有餘
濃陰清几案
亂影散琴書
鬱鬱長相對
百年守爨廬

喪餘日

寒風庭樹動淅淅感孤身一氣行如水三更坐達晨
煮蒿酒泉遠涕淚錦城新老去鶴原慟相將孰與親

南州除夕

南國羈遊白髮身北望今日易傷神百年病骨猶依
舊五夜星光倍覺新侵曉角聲如惜歲向陽山色已
含春洛城親友音書斷讓把屠蘇復幾人

喜徐君受來訪

匹馬蘇山路遊筇錦水樓幾懸徐子榻忽繫李膺舟
歸鴈三湘遠鳴鳩萬木幽殊鄉難復會為我暫遲留

生朝

昨日誰云好悲懷我獨多松楸徒入夢書劒謾成哦
眼暗疑人面耳聾隔鳥歌風埃添白髮還媿碧山蘿

春晚

春光隨處好亦到老夫棲花密山如曙柳垂洞欲迷
多時啼鳥集一色淡雲低回望西城下幾人送馬蹄

途中

三十年間路人旬復此行山川依舊在籬落見新成
人喜前村近馬鳴夕照橫麻姑猶有恨何足說浮生

早行

心庵世稿
老馬徐徐去行休聽御徒初暎昇遠嶺輕霧散平蕪
春意田中犢人烟店上爐南風時雨過沙渚自來鳧
扶餘
美寶山河百濟宮千秋王氣杳茫中孤舟出沒終何
向故國繁華倏已空漠漠雲烟微帶雨依依楊柳細
翻風春光澹蕩渾如畫獨使遊人興不窮

臯蘭寺

蘭若臨江迴蒼涼水木華釣龍神將策啼鳥老禪家
日暮空流水巖寒已落花爲邦難恃險宮路草如麻

疊題

子規啼未已春晚古江城卧柳猶新色寒潮自舊聲
僧閒花掃席童聚葉吹笙昔日繁華地牛羊逐隊行

次悠然齋九老會韻

山光如畫洞霞微盡日羣賢坐不歸高閣僮收棋子
落小庭雞啄草花飛幽居自愛清溪僻世事無關白
髮違香社年年開此會爲言吾道莫相非

次陶詩結廬在人境韻

養閒自無事日出鳥雀喧開戶何所見樹影覆軒偏
朝陰忽晦翳雨意彌遠山水渚釣絲捲田疇饁婦還
無營覺身貴古人真切言

次陶詩責子韻

清高陶靖節千載名叶實柴桑解郡紱菊露寫晉筆
貞操托撫松耿介孰與匹責子歸愚蠢教之亦有術
年過舞勺兒豈不通六七所以貴無名渾稱索棗栗
北窓夢羲皇眼前無俗物

次陶詩江陵途中韻

老去晝多睡日日任昏冥蒲團欹一枕風軒遠世情
鄰童鬪草去未夕掩柴荆皓氣自何至一輪當空生
顧影如可語永夜入戶明回望故里遠暮雲嶺樹平
悠悠錦江水鼓枻幾人征榮養非不足素志在躬耕

捫蘿計已違有時憂思縈千載等逆旅拘拘焉用名

觀漲

何處千尋木浮來積水中魚龍時出沒白浪與天通

又題

三宵連一霈百道漲流泉積水難分界前山忽失巔
江鷗飛不定舟楫去無邊滉漾憑軒立高樓勢欲遷

流席火

藁席戴松火炎炎下海門夜江同清晝四山光閃翻
踈林驚宿鳥高巖走鳴猿通明自近遠如坐別乾坤
近渚有人聲指點兒童喧

錦江馬上口占

去去路無盡鄉園在那邊有時驚午睡行過幾山川

下嶺

肩輿緩出萬松間野勢初圓錦水關薄暮雲烟含雨
氣農人陌上叱牛還

城坐

空城齊草木風露濕人裾地迴瞻星近江清送櫓徐
鳥飛山裏盡漁火夜淡踈俯視千家睡喧聲息里閭

高齋雨中

閒入向晚對清樽庭宇連苔脩竹繁霞氣入窓迷遠

樹雨聲侵箔爽高軒翠淡大野牛羊散晴漏歸雲鳥
鵲翻何處勝區溪水漲明朝步履欲窮源

見騎牛

何處騎牛客長堤叩角歌白鷗驚遠去還向水邊沙

觀魚

拱北樓前扣柂行錦州山色畫中明沙邊雨灑鷗眠
罷艇上風來水氣橫少缺城林樓影直徐牽帆纜樹
陰平漁人投網清湫下非爲觀魚可濯纓

七夕

河影元來白星文自在昭依稀天上事雜遝世間驚

心廣世和
牛女曾分界鳥鴉豈作橋秋風吹樹冷桐葉易先凋
樓夜懷山

旅食還無事遊心錦水雲朱炎樓上盡朗月樹頭分
秋候庭梧得蟲聲夜壁聞北鄰頻有字不必怨離羣

官齋夜坐

他鄉畱幾日還惹故園情村遠生烟細山昏獨鳥輕
東來孤月在北望暮雲橫聽雨千懷集燈華爲我明
螢火

暗地光微細飛來影不孤斑斑從藪裏箇箇入簾隅
散草星多少點衣火有無太陽未敢動焉用煎茶爐

秋七月既望舟遊錦江

烟波叩柁下長洲壁勢蒼然上有樓錦水明沙雙睡
鷺微風霽月一孤舟歸雲淡蕩天邊散喬木參差鏡
裏浮蘇子清遊空往迹今宵悵望已千秋

又題長篇

有客抱琴良宵至欣然攜手錦江曲酒後手撫十二
絃遺音出自伽伽谷孤雲無迹杳何處但有此操聲
感激舟子艤船招招立蘇仙昔遊又今夕醉卧蓬窓
叩舷歌江樹含情江月白冰輪高掛斗牛間天水浩
浩同一色赤壁萬里蒼壁是古人千載今人續風月

心唐世和
無邊夜將淡羽化氣像如可掬匏樽相屬豪興發烟
波十里迷所適叫奇峯巒面面出不覺欹巾酒席落
清狂竊擬物外蹤肯愁三秋滯南國踈絃時拂清且
遠知應潛虬舞幽壑俯聽江流頻側耳仰看月色時
捫腹軟飽三盃何足數湖上尊美亦堪摘漁火欲滅
客扶筇爲言水上寒起粟人生暮景何不樂逆旅乾
坤等過隙君不見公卿與螻蟻早晚同隨歸山足

蓮花

退德應無競晚成信有嘉
蛭鳴纔敷葉鵲下始開花
山雨全身濕樹陰半面遮
醺人多酒汁月白五湖家

華陽洞長句

八洞先問萬東廟嗚呼 皇靈寄於斯腥塵滿目迷
乾坤義起空山楚戶悲華陽之名豈偶然天慳地秘
大老知一間茅屋薦明水淨土隣近君臣祠擎天壁
勢千仞高道德得似夏是誰公與山川兩相遭尊周
大義無限思冽泉齋高泣弓巖巖棲積年至恨齋誠
淡 二帝念京嘆淚灑九曲匪風詩後人拄杖增慷
慨扼腕西天醉鶉遲雲翰仰瞻自肅敬四字寶墨燕
市貨煥章庵奉千古珍秃筆畱痕 御手持遺民忍
言壽亭恫報答 皇恩蔑毫絲萬折東流此山中知

應天下永有辭巢鶴一去何日返但見空臺臨水滄
巴串

盤陀一洞白恍若月明初孤影時過鳥清流不見魚
衣襟坐處潤草樹望中虛幾劫風霜積猶看太素餘

仙遊洞

遙望山門一畫圖雲生古壁翳前途幽筇偶入仙遊
處石上空餘鍊藥爐

文義縣

荆江如練抱村回清淑峯巒限一開需世賢臣無遠
邇文山種得幾人才

贈燕行

風霜遼野積何處見王春久矣黃河濁嗟乎赤縣塵
海東猶戴漢天下盡爲秦冠蓋年年送白頭倍愴神

葵軒詩抄附錄終

